

# Ho hapilwe thepa ya dikhampani tse pedi ka lebaka la dikoloto tsa lekgetho tseo ka kopanelo e leng tsa tjhelete e fetang R57 million

Tshwane, 28 Loetse 2021 – Ho hapilwe thepa ya khampani ya tsa tsamaiso ya dithoto ka lebaka la sekoloto sa lekgetho sa tjhelete e kana ka R39-million e kolotuwang Ditshebeletso tsa Lekgetho tsa Afrika Borwa (SARS) ke sherifi ho latela kahlolo e dihilweng ke Lekgotla le Phahameng la mane Pretoria.

Khampai ena e Gauteng e bitswang Raptosec Logistics (Pty) Ltd, e na le makgetho a sokang a leshwa ho SARS bakeng sa dikgutliso tsa PAYE tse nyehetsweng ntle le tefo.

Sehlopha sa SARS se bitswang *PAYE Rapid Response* se bile le dipuisano ka makgetlo a mangata ka taba ena empa khampani ena ya hloleha ho ntlafatsa boemo ba yona. SARS e ile ya qetella e ntsheditse khampani ena tseko ya yona ya makgaolakgang ka la 7 Phupu 2021.

Nyeweng e nngwe, sherifi o hapile thepa ya khampani e bitswang Edison Power Gauteng (Pty) Ltd. Khampani ena ya dikotraka tsa motlakase e na le sekoloto sa R18 million ka lebaka la dikgutliso tsa PAYE tse nyehetsweng ntle le tefo.

SARS e ikemiseditse ho fana ka tlhakisetso le tiisetso ho balefalekgetho ba ikobelang boitlamo ba bona ba molao ba tefo ya lekgetho. Ka yona nako eo, SARS e ntlafaditse bokgoni ba yona ba ho fokisa le ho etsa hore dintho di be theko e hodimo bakeng sa balefalekgetho, ho akareditswe le beng ba mesebetsi, ba sa lefeng lekgetho le kolotuwang SARS.

Khomishenara ya SARS Edward Kieswetter o tobokeditse ho lomahanya meno ha SARS a ho fedisa ho se ikobele tefo ya lekgetho ho seng ho jele setsi ditshebetsong tsa tse ding tsa dikhampani.

“Ke ipiletsa ho balefalekgetho bohle, haholoholo ho beng ba mesebetsi, ho lesa mokgwa ona o tshwanang le bonokwane nakong eo ba sebedisang makgetho hampe hona le hore a leshwe SARS. SARS e ikemiseditse ka hohlehohle ho fedisa tlwaelo ena mme re tsetetse mehlodi yohle e hlokehang ho netefatsa hore ho na le boikobelo,” ho rialo Khomishenara Kieswetter.

Ho fumana lesedi le fetang lena, ka kopo ikopanye le SARS ka [SARSMedia@sars.gov.za](mailto:SARSMedia@sars.gov.za)